

Weihnachtsfeier Motorradfreunde 2015

Guadn Abend ihr liabn Biker !!!

Jeds Joa um de gleiche Zeit,
wenn`s draußen stürmt und dicke Flocken schneit,
dann is s`Christkindl nimmer weit.

Doch nach altem Brauch und Sittn,
tritt vorher da Nikolaus in eire Mittn.
So samma a heier in diesem Haus,
Knecht Ruprecht und i, da heilige Nikolaus.

Im Schlittn samma durch verschneite Wälder,
durch Eis und Schnee und über Felder,
so segt ma uns eitz durch die Lande ziehn,
dick eipackt und unter großen Mühn.
Doch koa Weg is uns zu beschwerlich,
koa Streck is uns zwoa zu gefährlich,
nur um zu seng, was bei eich so passiert,
d`Engerl im Himmel ham fleißig notiert.

Manch oam steht d`Angst gschriebn ins Gsicht,
owa fürchten Biker, braucht`s ihr euch nicht.
Höchstens wer gaaaanz frech und böse woa,
im vergangenem, letzten Biker-Joa,
für de, do hod mei Kramperl mit Bedacht,
a sei Ruatn mitgebracht.
Doch solche hamma wohl ned hier,
oder, Biker, was moant`s denn ihr ????

In dem goldenen Buche hier do is notiert,
was im letzten Joa is so alles passiert.
Und so will i eitz glei verlesn,
was bei eich Biker so alles is gwesn. **Ho --- Ho --- Hooooo !!!**

So Knecht, was ham den unsere Engerl alles notiert ???

Fang ma o midn

Stefan Schutt: „ **OFFICIAL MFM TOURGIDE** “
(Ja wos isn na des ???)

Muaß ma do 5 mol am gleichn Punkt vorbei kemma,
dass eam an „ OFFICIAL MFM TOURGIDE „ nenna ???
Oder folln do andere Dinge ins Gwicht,
i bin ned ganz schlau woan aus dera Gschicht.
Owa oans möcht i eitz no song, bevor i vogieß,
er war oft mid dabei, fast immer „solo“, wos mir so aufgolln is.
Drum hängt er se next`s Joa an Beiwong mit dro,
damit er sei ganz Volk mid eipackln ko.
Weil d`Jana woa heia ned oft mid dabei,
owa dann bringt er a sie und de Buam no mid nei.

Riedl Manfred und Roider Ingrid:

Ingrid, du bist fei ganz sche schlau,
wos i goa ned glaubt hätt vo ana Frau.
In da Weiberwirtschaft bindst da einfach an Finga ei,
das alle moana, du konst selwa ned schnei (schneiden).
Da Kare hod se glei daboamt oder er hods ned kapiert,
und hod da dei Schnitzl glei mundgerecht serviert.
Da Mane wollt in da Tschechei wos ausgollns essn,
des wird er wahrscheinlich sei Lebntlang ned vogessn.
A Kasschnitzl hoda se bstellt, do hoda houch bissn,
hods a boamol in seiner Goschn hin- und hergschmissn.
A Breckl Fleisch hätt er gsoucht bei jedn Bies (Biss),
i glaub, das des sei Ersts und sei Letzts Schnitzl gwen is.
Owa im Groußn und Ganzn seids es zwoa scho a super Gspann,
bei jeda Tour halts es de Gruppm zam.
Und wents amol ned midfoats dann is meistens recht stad,
ohne n`Raschl seine druggan Witze do is oft sogo fad.

Jakob Stefan und Birgit:

Sie kassiert, schreibt Berichte, organisiert und duad Verantwortung übernehma,
„MÄDCHEN FÜR ALLES“ kannt ma d`Birgit a nenna.
De Fahrt zu de Christkindlmärkte hosd guad organisiert, do brauch ma goa ned ren,
alles hod passt (bis af den kloana Stau)und superschee is gwen.
Da Stefan hod se als Tourguide bestens bewährt,
bei mia jedenfalls hod se no koana beschwert.
Hört er amol sei Navi ned glei,
na flüsterts eam d`Birgit vo hintn ei.
Owa wos do s`letzamol passiert is, i kons goa ned fassn,
do hodn wieder amol sei Navi verlassn.
N`Radlweg hoda als Rennstreck benutzt, des les i do grad,
weil eam des Navi am Rücksitz falsch eigsagt hod.
Wenn d`Birgit dabei is, dann foada ja meistens ganz brav,
owa in da Männerrunde, do gehd scho manchmol a Zylindakopf af.


Schwarzfischer Kare und Petra:

Vo de Motorradfreunde isa da Schreiberling und führt a Regie,
er filmt erane Fahrten, des haut super hi.
Am End vom Joa treffa se dann alle zum Roadmovie schau,
des is dann so schee, des ko ma kaum glaum.
Wenn d`Petra dabei is, hod da Kare eh koa Problem,
sein Ständer hods immer im Blick, des is für eam recht bequem.
Letzt`s Mol is ned midgfoan, af oamol mochts bumm,
glei draf fold n`Kare sei Mopedl um.
Bei de Motorradfreunde hods Petra scho ganz sche weid bracht,
denn wens noch ihr geid, wean do „ koane neia Gesetze gemacht “.
A neis Navi hods n`Kare eitz kafft, des nimmt er demnächst amol her,
owa nur af bekannte Streckn, wos wül ma denn mehr.
Er is ned so überzeugt vo dem neimoderna Gschmarre,
und das ma se trotz Navi no oft vofoad, des segda ja da KARE.

Nemmert Pauli und Irlbeck Rosi: **Ho --- Ho --- Hooooo !!!**

Koa Tour ohne a Schnapslerl vo da Rosi gebraut,
s`Rezept vo am Wirt, weil sie sich frong hod getraut.

I ko ma goa ned vorstelln, wia des ohne eich zwoa wa (**wär**),
af jedana Party vo eng woas „scho schee – so schee scho – so schee scho a !!!“
An groußn Wunsch hätt d`Rosi aber no, laßt`s me amol kurz überleng,



aaah ja, des wa a Swimming-Pool, owa da Pauli streibt se no dageng.

Owa Pauli, wirst seng, des wird next`s Joa ganz cool.

Do gibt`s wieder a Treffen bei eich midana Party am Pool.

Und i ko ma scho guad ausmaln, wos dann wird passiern,

do wird d`Rosi bestimmt wieder ihre selber brenndn Schnapslerl serviern.

Heigl Manfred und Bärbel:

Da Manni heizt seiner Bärbel mid da Sitzheizung ei, do wird ihr ganz schee hoäß,
drum gfreit sa se af jede Tour, wia sicher jeda woäß.

Wenn`s steil ge Dol geht, kon er nimmer ruhig sitzn,
do kimmt da Manni a ohne Heizung ens schwitzn.

Seit er da „Suppamän“ is, foad er bei jedn Weda,
nehmt`s eich alle a Beispiel an eam, des ko vo eich ned jeda.

Tja Bärbel, wos hamma denn do no meine Engerl notiert,
i kons ned beurteiln, weil i hobs ned probiert.

A Elixier hosd in Dinkelsbühl deine Biker gem,
des is a kloans Wunder, das heind no alle lem (leben).

Über Übelkeit hams klagt, manche ham brocha,
oana is sogoa bei de Fiaß seiner Frau umanandakrocha.

Tja Bärbel, des woa a kloans Versehen, sowos kon scho amol passiern,
als kloana Entschädigung deafst deine Biker heind a Rundn Schnapslerl serviern.

Ja de Freind vom MFM is scho a tolle Truppm, foan nie alloi sondern meistens als Gruppm.
Foan midanand fort und ham an rießigen Spass – de 15 Tourn heia, de woan scho krass.

So Knecht, i glaub i hob eitz gnua gsprocha,
wos i do aso ghört hob, reicht ma wieder für a boa Wocha.
Um des Ganze auf an Nenner zu bringa,
Kramperl, laß amol dei Ruatn schwinga. **Ho --- Ho --- Hooooo !!!**

Ja liabe Biker, liabe Leid,
das war`s scho wieder fast für heid.
Und wer schee brav bleibt de ganze Zeit,
für den halt s`Christkindl a Gschenk bereit.
So denkt`s dro und reiðts eich a bisserl zam,
wou mas nimmer weit bis Weihnachten ham.

Gern bleibat ma no a bissl länger hier,
owa weida miass ma, glaubt`s es mir,
owa vorher trink ma bei eich no a „SICHERHEITS-BIER“

Denn Bier und Schnaps, des wa (**wär**) schon fein,
anstatt in die kalte Nacht hinein.
Trotzdem miass ma bald wieder fort,
vül Leid warten no an am andern Ort.

Also bleibts ma schee brav, wir miassn jetzt geh`n,
bis zum nächsten Mol: „Auf Wiederseh`n“